

- Dem Ungeschickten wird bey ihnen Ehr erwiesen/
 Vnd weil ein jeder do sich selbst am meisten liebt/
 So sieht man wie es da so viel Vernügte gibt/
 Vernügt in ihnen selbst: Hingegen Haß sie tragen
250. Stets denen die da frey die Warheit ihnen sagen/
 Vnd wo es ihnen fehlt/ vnd da wirde manchen schwer/
 Daß er es treffe recht/ dann es verdreust sie sehr/
 Wann man sich vnter steht/ durch ein gantz ander Leben
 Dem ihren/ Ordnung vnd Besserung zu geben.
255. Was kan bey ihnen doch wol nicht die Schmeichlerey/
 Was führt vor Reden sie/ doch ohne furcht vnd schew/
 Si weil auff mannich Art die Schmeichelhunde pflegen
 Der Tugend liechten Rock/ den Lastern vmbzulegen.
 Den Durchlaß nennen sie Freygebig/ hohes Muths/
 260. Den Heitzhals/ Wol bedacht/ Vermehrer seines Guts/
 Den Lummnen/ einen Mann/ der hat ein gut Gewissen/
 Vnd der auff List vnd Trug/ vnd Rauben ist geßissen/
 Ob dessen Tapfferkeit verwundern sie sich sehr/
 Vnd legen ihnen zu der Weißheit Lob vnd Ehr/
 265. Vnd der Bescheidenheit: dem es am Hertzgen fehlet/
 In dessen Sinne wird ein scharffer Beist verhehlet.
 Der Melancholisch ist/ der in Unordnung lebt/
 Der nach verbottnen Lust auff viehsche weise strebt/
 Wird vor ein wackren Kerl/ vnd einen angesaget
 270. Der hefftig ist verlehbt: der den der Wahnwitz plaget/
 Der muß bey ihnen seyn genennet vnderzagt/
 Der feige/ voll Verstands vnd klug/ der so verzagt.
 Die Laster pflegen sie also zu tituliren/
 Wann sie/ gedencken sie/ mit Lobe falsch zu zieren
 275. Schawt was vor Schaden vns doch solch Fuchßschwenzgen bringt/
 Dann wann in vnser Seel ein solcher Thon erklingt
 Vom Schatten einer Ehr/ vnd Tugend/ die erlogen/
 So wird sie vndermerckt zum Lastern angezogen
 Daren hernach sie verhencktes Zaumes rennt/
 280. Daß keine Reue sie auch mehr davon abwendt.